

დაუყოვნებლივ გავრცელებისთვის
2 სექტემბერი, 2013

საკონტაქტო პირი:
ირინა რეხვიაშვილი, irekhviashvili@ndi.org
თბილისი, +995 599 780208
ქეთი გესთი, kgest@ndi.org
ვაშინგტონი, 202-728-5535

NDI-ის დელეგაცია საქართველოში საარჩევნო გარემოს შეაფასებს

თბილისი – დღეს ეროვნულ-დემოკრატიულმა ინსტიტუტმა (NDI) გაავრცელა განცხადება წინასაარჩევნო დელეგაციის ჩამოსვლის შესახებ. NDI-ის დელეგაცია საქართველოში 2013 წლის 27 ოქტომბერს დაგეგმილი საპრეზიდენტო არჩევნების წინ არსებულ გარემოს შეაფასებს.

დელეგაციის წევრები არიან: რობინ კარნაჰანი, მისურის შტატის ყოფილი მდივანი (შტატში არჩევნებზე პასუხისმგებელი არჩეული თანამდებობის პირი); პერ ეკლუნდი, საქართველოში ევროკავშირის დელეგაციის ყოფილი ხელმძღვანელი და ამჟამად სტოკჰოლმის უსაფრთხოებისა და განვითარების ინსტიტუტის უფროსი მკვლევარი; კრისტინ ტოდ უიტმანი, ნიუ ჯერსის ყოფილი გუბერნატორი და გარემოს დაცვის სააგენტოს ყოფილი ადმინისტრატორი; დეიმონ უილსონი, ატლანტიკური საბჭოს ადმინისტრაციის ვიცე-პრეზიდენტი; კენეთ ვოლაკი, NDI-ის პრეზიდენტი; ლორა ჯუიტი, NDI-ის ევრაზიის რეგიონალური პროგრამების დირექტორი და ლუის ნავარო, NDI-ის საქართველოს ოფისის დირექტორი.

დელეგაციის წევრები შეაფასებენ არჩევნებისთვის მზადების პროცესს, ზოგადად პოლიტიკურ გარემოს და დააკვირდებიან ყველა იმ ფაქტორს, რასაც შეუძლია საარჩევნო პროცესის სამართლიანად წარმართვაზე გავლენა იქონიოს. დელეგაციის წევრები შეხვედრებს გამართავენ ხელისუფლების და საარჩევნო ადმინისტრაციის წარმომადგენლებთან, საპრეზიდენტო კანდიდატებთან, პოლიტიკური პარტიების ლიდერებთან, სამოქალაქო სექტორის და საერთაშორისო ორგანიზაციების წარმომადგენლებთან.

6 სექტემბერს, მუშაობის დასრულების შემდეგ, NDI-ის დელეგაცია ანგარიშის სახით წინასაარჩევნო გარემოს შეფასების ძირითად დასკვნებს პრეს-კონფერენციაზე გამოაქვეყნებს. **ანგარიშის გამოქვეყნებამდე დელეგაცია მედიასთან კომენტარს არ გააკეთებს.**

NDI მადლობას უხდის ამერიკის შეერთებული შტატების განვითარების სააგენტოს (USAID) დელეგაციის მუშაობის ფინანსური მხარდაჭერისთვის.

NDI არის არამომგებიანი, მიუკერძოებელი ორგანიზაცია, რომელიც საზოგადოებრივ ცხოვრებაში მოქალაქეების აქტიური მონაწილეობის, მთავრობის გამჭვირვალობისა და ანგარიშვალდებულობის ხელშეწყობით მუშაობს დემოკრატიული ინსტიტუტების ხელშეწყობისა და განმტკიცებისათვის მსოფლიოში. დამატებითი ინფორმაცია შეგიძლიათ იხილოთ ვებ-გვერდზე www.ndi.org